

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر معشری

ابو العلا زین العابدین

تاریخ تأسیسی

۱۳۳۰

عدد : ۱۲ ۸ رجب سنه ۱۳۳۱ پنجشنبه ۳۰ مایس ۱۳۲۹ برنجی جلد

يادماضي

— مايمد —

مسائل علميه مرحومك ذهننده نه درجه مستحضر بولنديغه بر اوافق نمونه اولق اوزره آتيده كي مصاحبه ي نقل ايديم : نادی کالات دولتريله مشرف اولديغ يوم مذکورده اوته بری مباحث جریان ایلدیکی صروده سوز بعض احادیثك « اذ قال الله یا عیسی انی متوفیک ورافعک الی » آیت کریمه سیله « و ما قتلوه و ما صلبوه [الی قوله تعالی] بل رفعه الله الیه » نظم جلیلی اره سنده مبانیت بولنديغه دائر طعنلریك نقل و حکایه سینه انتقال ایلسیله پاشا جوابه مبادرت ایدرك « انی متوفیک » قول شریفك منامی : سنك عمرکی تمام ایدرم ، اعداك سنك قتلک دسترس اولمقدن سنی حفظ و صیانت ایلرم دیمکدر . بو ایکی آیت اره سنده مبانیت بولمق شویله طورسون بری بری تأیید ایدیور دیدی . و بو صروده بر خیلی تفصیلات ویردی . بر اره لق سوزه [بیان تبدیل] مبحثی قارشدی ؛ دیدم : کتابك سنت ایله نسخنه فصل قائل اولنیور ، حالوکه رسول اکرم افندمن « تکثر لکم الا حادیت من بعدی فاذا روی لکم عنی حدیث فاعرضوه علی کتاب الله تعالی ، الی آخره » بیورمش بو قول نبوی ، کتابه مخالف اولان حدیثك ردی لزومی کوسترییور . بو صورت استفساره دخی صانکه محل بحثی هنوز مطالعه ایتمش کی اسباب و تفصیلاتیه شویله جواب ویردی : جناب حق کتاب کریمده « وما آتیکم الرسول فخذوه وما نهیکم عنه فانتهوا » بیورمشدر . بو نص شریف ، کتاب الله موافق اولسون اولسون علی الاطلاق حدیثه اتباعک وجوبنه دلالت ایدیور ، کلام مذکور ایسه بو نصه مخالف بولنديغندن حدیث صحیح دکل ، موضوعدر . حدیث صحیح اولدینی تسلیم ایلدیکی تقدیرجه دینورکه اوحدیثده [فاذا ستمتم من حدیث] دیماش ، [فاذا روی لکم عنی حدیث] دینلمش ، شو حالد اوراده ذکر اولنان حدیث ایله بحثی مجزوم اولمیان حدیث مراد اولدیفنه سیاق کلام دلیلدر و معنای حدیث : بندن صکره احادیث سزه تکثیر اولنور ایمدی بندن سزه بحثی مقطوع اولمیان بر حدیث روایت ایلدیکده انی کتاب الله عرض ایدک ، کتابه مخالف ایسه رد ایلدیک دیمکدر . چونکه بو قبیل حدیثك تاریخی معلوم دکلسه مقارنته یعنی ورودی کتاب اللهك نزولنه مقارن بولنديغه حمل اولنورده معارضیه

قوتی اولدیغندن رد ایدیور ، تاریخی معلوم اولدینی تقدیرده دخی ا کر کتاب مقدم ایسه کتاب ایله منسوخ اوله جفندن ردی واجب اولور ، متأخر ایسه ناسخ کتاب اولغه صالح اولدیغندن ینه ردی تحت وجوبده در . بخی بویه جه تقریر ایلدکن صکرده بوجه آتی تلخیص ایدی : خلاصه متواتر ویا مشهور بر حدیث ورود ایلدکنه انکله عمل اولنور ، ایستر کتاب الله موافق اولسون ایستر اولسون ؛ خبر واحد ایسه آنده آنفا ذکر اولنان تفصیلات جریان ایدر . مرحوم سلامت افاده و علمانه بر قوه اقناعیه ایله تقریر مباحث ایلدکنه کوکل کویا بر حدیقه رعناده شم ازهار معطره ایله غشی اولیور ایدی .

— — — — —

مأموریم حقنده اراده سنیة جناب ملکداری شرف تعلق ایتمی اوزرینه داخلیه و مالیه نظارت جلیله لرندن قونیه ولایته تسطیر اولنان محرراتی مستصحباً واقشهره متوجهاً یوله چیقدم ؛ بیک ایکوز طقسان درت سنه سی جاذی الاولاسنک یکرمی دردینه مصادف بر جمعه کونی اوشاغم علی ایله فوائده عثمانیه شرکتک ازمد واپورینه بندک . واپور صباحین مرسای در سعادتین حرکتله ساعت بش یحی راده لرنده مدانییه واصل اولدی . اوراده بر لاندو طوندق وحسب الموسم بروسه قاپلیجه لرینه کیدن یولیارک عربهلرندن متشکل قطاره بزم عربده قایله رقی برلکده یوله دوزلک مدانییه دن بر مدت یوقارییه چیقیلوب دربندک بولندینی تپیه کلدک . تپه بر وبجره ناظر و اطرافنی سرترس فیوض فطرت ایله مزین بر محل دلکشا . هله اورادن مرمره نک کوروشنی فطرله بشقه بر حلاوت ویریور ، انسان اوراده بوتون کوزلاکدن یالیش الواح بدائی والهانه سیر ایدیور ، کویا بو زهتگاهک لطافتنه لطافت قاتمق ایچون کرم طبیعت انی بولندینی موقعه انتخاب ایتمش . حیوانلر صولوق المق ایچون تپه ده عربهلر براز توقف ایلدکن صکره قطارمنر صانکه حسن و ملاحه بریارندن بر الای ایله قوشادلمش اولدینی حالده ایلرویه طوغری یوریدی . یولک ایکی طرفنی اغاچلق ، یشیلک ، اره صره چنزار اولدیغندن یولحلیق دکل ، کویا بر روضه روح افزانک خیاباننده نغزه و تماشایه چیقلمشیدی . هر کچدی کمز یرده جمال فطرت بر رنگ و جلوه ده تجلی ایدیور ، علو مناظر انسانی مهوت و متحیر قلیور ، برقارش یر یوق که اوراده دلفریب بر جاذبه طبیعت کورلسون . بونکچون کوکلار دمبدم بر شوق جدید ایله شوریده اولیوردی . ساعت طقوز یحی راده لرنده ، اشجار ملنفة

الساقی ایله یولچلری زیارتنه مجبور ایدن [یکید] نام محله واصل اولدق . عربله بورایه اوغرا دی ، اغاچلرک سایه سی التنده برمدت صفا سوردک .

زهی جای مفرح کیم هوا وآب جاری می
ایدر ایجاد شادی خاطر محزون و بر غمه
نديم
اورادن قالقوب ساعت اونره چاریک قاله بروسه یه کیردک .

بو قدیم پایتخت عثمانیانه عادت بشقه ، انس والفت بشقه ، هرشی بر بشقه اولدیفندن صانکه بر عالم جدیده کیردم ، دها طوغری می عائله ملیه مزک قدیم دیارنی کوردم . اهالیسی خوش مشرب ، مهمان نواز ، اسلاوک آداب وقواعد معاشرتیه بر نمونه ذی حیات [کچن اوچیوز یکر می یدی سنه سنده برای تبدیل هوا بروسه یه کتمشیدم ، اوتوز ایکی اوتوز اوچ سنه صکره طرز معیشت وعاداتجه خیل فرق کوردم . استانبوله عودتمده بروسه خاطره سی عنوانیه صراط مستقیمده نشر ایلدیکم مقاله ، یادمازی رساله شککنده طبع اولندیفی زمان آخر رساله یه علاوه ایلدیکمچکر [. شهر انافس آثار معماریه ایله مزین . اورخان ، خداوندکار ، ییلدیرم ، یشیل جامع شریفی کی نیجه مبانی فحیمه وار . مؤسس بنیان سلطنت عثمان غازی حضرتارندن بده ایله الی پادشاهک جامعاری تربلری زیارت اولنجه ماضینک اوشانی خاطراتی حقیقت ، خیالده جوش وخروش ایدیور . کشیش طاعی تپلریک زمردین سطح مانلنه یاصلانمش اولان بو شهر لطیف ، بو حسن وبها مأوایه ایله اطراف وجواری فیاض جلیک بتون انعامنه مظهر اوله رق جهانک اک کوزل منظره لردن برنی ارانه ایدیور . دینلیدیکی کچی کشیش طاعی کونا کون اغاچلری وکوزل مرعلیه سواته یوکسلیور وهردم قارله مستور بولنان ذروه سی بلوطلرک اوستندن یرتوفشان اولیور . دیگر طرفدن الوان خضارت ایچنده تا اوزاقلر قدر امتداد ایدن اونظره پیرا بروسه اووه سنده [نیلوفر] جریان ایدیور ، بو صورتده که کویا پرلانظه سیلان ایتمشده بر بحر زمردینه دوکیلور . درون ویرون شهرده نیجه مسیره لر ، نیجه حدائق وبساتین ، نیجه کرمابه لر وار . هر یرده صولر آقیور ، بعض محالنده طنطنه ومهابته جاغالیور

سر چشمه لری اولمده انسانه روانجش
کرمابه لری جانیه صفا جسمه شفا دار
نديم

برکت زاده اسماعیل حق